

## QVÆSTIO MEDICA

### QUOD LIBETARIIS DISPUTATIONIBUS MANE DISCUTIENDA

In Scholis Medicorum, die Jovis 5. Decembris

M. NICOLAO PELLÉTIER, Doctore Medico, Præsîde.

*An magnis lienibus ferrum.*

**N**ATURÆ circum nutritionem cura, quas huic operi præfecit partes, ulli perfectorum animalium generi deesse non sinit. Omnibus liene instructis, aliâs ampliori qualis in quadrupedibus, aliâs exiguo qualis in avibus animadvertitur; Insignis hujusce visceris à naturâ penuriam, ab arte jacturam, infeliciores in animalibus vitæ semper voluit esse parentem. Lien pars est substantiâ molli & laxiore, figurâ a d. pedis humani plantam effictâ, lurido colore, acerbiusculo gustu, sinistrum, ubi naturali sede coërcetur, hypochondrium occupans, diaphragmati ventriculoque substrata, costis inferioribus apposita, rene superior, hanc si melancholicus humor nimium distendat, nulli tunc obnoxia figuræ, tantam in molem accrescit, ut toto vix ab homine contineatur; Sursum versus elata respirationem ingeminat, deorsum impendens, vicinas gravante sarcinâ partes urget, obfistens cum duritiæ ac indolentiâ tangenti schirrum, cum febre ac dolore splentem arguit, citra febrem duritiem doloremve tumida coramque digerit.

**S**UPERSTITES ab elaborato sanguine particulas in varia loca fecernere, prudentis haud minus nature fuit, quàm diversas alimentorum species in unum congestisse ventriculum: accommodatam partium stru-  
turam atque temperiem ad illud operis sibi ministras asevit, quarum utriusque concursu reliquæ sanguinis cribro quasi transmissæ purgantur, serum per renes, per felleam cystidem bilis, per lienem melancholicus humor: huic ab eodem viscere muniari apprimè satisfic, ubi temperies ipsius idonea convenientem fibrarum, quæ compagem ipsius constituunt, structuram adjunctam habet, atro humori secernendo, eidemque per vi-  
ces, cum vesicam, tum in intestina post modum excernendo famulantem, quorum utroque si delituatur, alterutro non instruitur, illabente bibulum in viscus insigni humoris melancholici copiâ nec elabente, mirum quantum intumescit; inde tor sobolescere morbos à feriente splenis in secernendo munere, quot inquinat partes ab humoris exitum non habentis in diversa loca refluxu, nunquam, nisi post restitutum à chilibis usu lienis tenorem, coercendo.

**F**ERRUM antiquissimi apud medicos usus, impurum est metallum plurimâ terrâ constans; hujus similit, quæ veterum erat, exquisitiori, quæ recentiorum est, præparatione chronicos expugnatuque difficiles  
affectus edomare non infuetum: ætate superiori chalibem infusum ulceribus urgere notum non fuit, nostrâ quæ curiosior & cautior non nisi variè cruciatum adhibere perrarum, alii scobem ejus, validissimo quem vocant igne reverberii torquentes, croceum pulverem efficiunt, affusis alii corrodentibus aquis tenuissimas illi in particulas dividunt; admoto sulphure nonnulli comminutum in granula ferrum exhibent: alienas tamen à variis ultrinâ Chymicæ tormentis vires illud mutuari ne crede: quod ingentâ virtute spoliari nescium, alstringenti novum robur addis, ubi chalibem igne vehementiori premis nusquam ab adhibito sulphure de-  
generem; quod sulphuris in auras abiit, fictitiæ facultatis est, quæ fex ab eodem combusto superfluo & effusa, nullius; terram semper sapit ferrum, alstringet semper, inde uberiores humoris melancholici copiam abiorbet: hinc conciliatâ spleni cum temperie structurâ ejusdem excrementi promoveat excretionem.

**D**UPLICIS quæ ferro inest virtutis, altera visu, altera gustu judice dignoscitur; priorem, quæ crassiusculæ ferri substantiæ individua comes est, cum subit melancholicus humor rara veluti spongia imbutus in  
lienem ultra non effunditur; acetum cujus indolem iste succus æmulatur in terram effusum absorberi, nec nisi lutulentum emitti vides, humorem melancholicum in crassiores ferri particulas illapsum vide, qua-  
rum spissitudine impeditus ineptos offendit admittendo sibi angustiores bibulæ lienis substantiæ meatus nullâ deinceps viâ commodiùs quàm per intestinorum ac vesicæ ductus unâ cum cæteris, quæ nigro fortassis inficiet  
colore, recrementis egerendus: quæ judice gustu percipitur in ferro vis altera, in gratâ quadam adstrictione consistit, partibus omnibus lienis vero potissimum amicâ, quam epotæ ferro divites aquæ referunt; postero-  
ris hujus tanquam auxiliatricis manus ope compressus lien, addito per stypticam ferri facultatem novo robore, pristino muneri redditur, susceptum humorem atrum per aptam fibrarum suarum intercapedinem trajec-  
tum repurgat, turgidus in postero ab humore melancholico vix aut nunquam futurus.

**M**AGNO lienis revera succurrere noluerit, & oriundis inde symptomatis quam pluribus occurrere, quia ad fundendum & ex superioribus & ex inferioribus artibus sanguinem iteratamque catharsim tantummo-  
do recurrit, in affectus hypostropiasinum haud dubiè facturos incurrit quisquis unicam apertæ venæ sanguinis minuendi exhibitæque purgationis humorum puritatis emendandæ viam decurret; eorum in  
lienem imperum ad tempus aliquid arceat, humidum in plene imperium exercentes succos non coerceat. Illapsi in lienem humoris melancholici vias intercludere, parum, illapsi ductus recludere, ne post hæc re-  
meet occludere, punctum est. Impositam turgido visceri sarcinam novâ in dies reponenda materia gravorem futuram supponit, at immaniora postmodum symptomata supposituram disponit; ubi maximè nativum  
lienis robur fuso prius sanguine repetitâque catharsi fuerit infractum; illa in usum revocare primum artis est, hoc in refaciendo lienis tenore supremum; retusis crassiore ferri substantiâ humoris melancholici acu-  
leis constrictas ejusdem ferri stypticâ facultate lienis fibras secernendo excernendoque atro humoris habiles efficere.

*Ergo magnis lienibus ferrum.*

### DOMINI DOCTORES DISPUTATURI.

M. Ioann. Bapt. Ferrand.  
M. Carolus Marteau.  
M. Antonius le Moine.

M. Guido Crescentius Fagon, familie Regine Medicis ordinarius.  
M. Jacobus de Bourges.  
M. Petrus Legier.

M. Ioannes Armandus de Mauvillain.  
M. Bertin. Dieuxvoye.  
M. Stephanus Bachot.



Proponebat Lutetiæ FRANCISCVS GIRARD, Blefensis. A.R.S. H. 1675.